

ГРИШКА РАСПУТИН РАЙЫН *

Райса йöзыд дзикöдз йöйöсь -
Быдөн полысьöсь да вöйöсь,
Сöмын öти олö збой -
Гриш Распутин, выль съвятöй.

Оз-ö, майбыр, сійö повзьи;
Шуö: «Öнi пö и ловзи,
Пуксис меным оландыр:
Голя помöдз рушку тыр!»

Збыль öд сідзи-й сійö олö,
Нинöмысь дзик абу полöм;
Оз нин вуджны сылысь кыв:
Быдөн эскö, зон көть ныв.

Присно девка, присно баба,
Мукöд пöлөс божья раба.
Быдлун локтö выльысь-выль...
Сё ейбогу, збыль öд, збыль!..

Накöд ворсö шуры-муры,
Быдног кыдзи кужö дурö;
Сьылö, йöктö «гопака»...
Серамыд сэн! Ка-ка-ка!..

Нывтö бöрйö, кодi мича,
Малалö да нимөн видзö...
«На пö окав ки и кок!
Ме пö танi - сар и бог!»

Сійö мый на? Уна тор öд

Григорейыд вöчö, морыд:
Öтчыд вина понда дзик
Лэптис кутшöм ыджыд зык.

Кыдзкö сэки, рökыд вылö,
Ветлис гажа вечер вылö,
Сэни юис самöкур,
Сэсся-й висьны кутис юр.

Сэки мунис ен-бать динö,
Сылысь корны кутис вина:
«Сет, господин Саваоп.
Уджөн öти полуштоп...»

Мöдыд скöрмис, кутис видны:
«Кыдз пö верма сетны быдлы?..
Локтан быдлун садьтöм код...
Юр-кö висьö - мун да вод!...»

Гришка шуис ыджыд енлы:
«Эн кö юктав, бöлбан, энлы,
Регыд петкöдла ме теш, -
Кутан тöдны, пöрысь плеш!...»

Коли тöлысь. Праздник лунö
Ен-бать ордын съвятöй уна...
Жбырьялö сэн съвятöй дук...
Тшöтш и Гришка пырис, дзурк.

Сувтис Саваопыс дорö,
Кутис висьтавлыны нора:
«Ой-ой-ой да ок-ок-ок!..
Локтö кутшöм ыджыд шог:

Лэбзис андел мусянь, өні...
Коммунистлөн, шуо, сэні,
Ероплан да пулемёт
Лосьөдöма лыд ни тшөт.

Сэні лывкйөдланныд, сылад...
Мый ме шуа, ставныд кылад?
Лун-мөд бöрын большевик
Локтас райö дзик пö, дзик!

Став пö гөтов, сöмын петны,
Комиссарьяс штурмөн мөдны
Виччысьöны часысь-час
Ленин, Троцкөйлысь приказ».

Со кызд Гришка ентö кодзис,-
Босьтис юктавтöмысь водзöс...
Андел, дерт öд, эз и вöv,
Да и муын шы ни төв.

Саваопыд синсö восьтис...
Кынём висьём морттö босьтис...
Сэсся пыр жö сэки, дерт,
Лои чукөртны совет.

Сэки анделъяс зэв шога
Гөгөр баксисны тревога;
Локтис быдся пөлös бог,
Тшөтш и Мулла кыскис кок.

Сэні быдөн ёна шензис,
Дай Кристос унакөд вензис,
Корö öтнас вылö власьт:
«Ме пö враглы се-е-та страсьт!»

Сэсся шуисны медпомас:

«Миян тадзён оз и помась,
Татшом мургомыд оз быр...
Борьям совет пырысь-пыр!»

Сэк небесной комиссарьяс:
Паньтиль, Павел да Макарьяс,
Быдён аддзис ассыс удж, -
Оз и шойтчывлыны сутш.

Комендантъяс: Павел, Петыр
Котралёны отыр-модыр...
Сэн Ёгорей-военком
Өктіс салдат йыв ни пом.

Өти юрсө лэптис чатөр:
«Ме пö лоа агитатор, -
Вöвлі Иван Богослов...
Дзик пö нинöмысь ог пов!»

Кыськө локтис Пророк Мөсей,
Лыдьяс-тшөтьяс сійö вöчö;
Он-ö мортыд сылөн вош,
Дарөм пöрысь, ыджыд тош.

Сус Кристослөн гачыс ганта,
Повтöг пуксис иньтендантö, -
Лöсьöдалö: тасьті, пань,
Вит сюрс морт юрö - вит нянь.

Илля Пророк сідзжö ноксьö:
Дорö вöвьясылысь коксö,
Зіля өктö биа из,
Бөрйö тывкөрт, коді кыз...

Локтöма сэн плөтник Öсип:
Тэрмасьöмөн-сорөн вöчис

Гымавны выль тарантас;
Куритчө, - табакыс ас...

Сэн целитель Пантелеймон
Горзө: «Татчө со и йойман
Санитарной вит отрад
Колө чукөртны, сё мат!..»

Сідзи райын ставыс гызис,
Гөгөр путкыльтчис да шызис;
Йөзид легө, бытьтө ном...
Коркө-й воны кутіс пом.

Ставыс гөтов лои райын,
Сөмын нин разведка сайын.
Морт пө сэтчө колө сюсь, -
Мед и посъясөд оз усь...

Разведкаө кодөс ыстан?
- Гриш Распутин медся письтас!
Сійө сэтчө вылө збой, -
Шуис Миколай второй.

Сідзкө ладнө, мед и Гришка,
Збойыд сэтчө абу лишка...
- Сөмын эм-ө ачыс сэн? -
Шуис ыджыд пөрысь ен.

Гришка бытьтө эз и вөвлы -
Пыр и мунліс, бытьтө төвныр,
Висьталі тай, вөчис теш -
Сөрис Саваоплы лөж...

Кытчө воши? Колө төдны,

Со өд пöра воис мöдны...
Сэсся корсисны быд морт...
Коркö-й сюрис Гришка ёрт:

Босьтöма да, пывсян шöрын
Божья матер дiнын вöрö:
Сылысь пывсьöдö ки-кок,
Шлачкö-кульö гөгöрбок...

1924г.

* Медводдзаысь печатайтöма 1933 воын.

Сатира сборник. - 1933. - С. 89-93.